



# Qeqqata Kommunia

## Sisimiuni najukkami ataatsimiititaliap ataatsimiinnera 29. marts 2022

### Imaqarniliaq

Ataatsimiinnermi oqaluuserisassat:

1. Oqaluuserisassat akuersissutigineqarneri
2. Aningaasat atugassat 2022
3. Qullit pisoqartitsinermi atorneqarsinnaasut
4. Suliffiup nalaani ataatsimiinnerit ingerlanneqartannginnissaat
5. Aningaasat qinnutigineqartussat N.A.-mit oqaluuserineqaaqqartarnissaat
6. Aningaasanik immikkoortitsineq imal. suliniutinik aallartitsiniarnermi innuttaasunik tusarniaaqqartarnissaq
7. Peqqinneq/nukittuneeqqaanneq/sungiusarnerlu
8. Taseraliup qinnuteqaataa
9. Inuunerissaarnissaq
10. Ikiueqqaarneq
11. Innuttaasunik ataatsimiisitsinermi siunnersuutit
12. 2023-mut aningaasat agguataarnissaat
13. Tamalaat

### Ataatsimiinnermi peqataasut:

- Rene Ingemann, Siulittaasoq
- Inga Olsen, Siulittaasup tullia
- Hans Johansen
- David-Peter Jeremiassen
- Mette B. Berthelsen
- Emil Jessen
- Naja Thorin

**1.** Siulittaasoq tikilluaqqusivoq, oqaluuserisassallu akuersissutigineqarput.

**2.** Uquitoq 2022-mut aningaasat Sisimiuni atugassat kr. 300.000,-iusut siorna agguataarneqarsi-masut paasissutissatut tiguneqarput.

**3.** Qullit isiginnaartitsinerni, nipilersortoqarnerani allatigullu aaqqissuisoqarnerani atorneqar-sinnaasut pigilerneqarnissaat aammalu pikkorissarttsisoqarnissaanut siunnersuut eqqar-tungaatsiarneqarpooq.

Amerlanerussuteqartunit akuersissutigineqarput. Najukkami ataatsimiititaliami ilaasortat ar-fineq-marluusuni marluk akuersinngillat, akuersinnginnerminnut tunngavigalugu isumaqar-toqarmat ingerlatsinermut aningaasartuutitut inissimasussaagaluartut toqqaannartumillu susassaqartitsinermut tunngassuteqaratik, aammalu toqqaannartumik susoqartitsinermut tunngassuteqaratik.

- 4.** Kissaatigineqarpoq Najukkami ataatsimiititaliap ataatsimiinnerata avataatigut immikkut ataasiakkaarluni ataatsimiinnissamik/oqaloqatigiinnissamik kissaateqartoqartannginnissaa, tamannalu tusaatissatut tiguneqarpoq.
- 5.** Ataatsimiititaliammi ilaasortat ataasiakkaarlugit sunneriarneqartannginnissaat, ataatsimiititaliamili ataatsimiitsilluni ataatsimoorluni oqaluuserineqartarnissaat piumasarineqartoq tusaatissatut tiguneqarpoq.
- 6.** Aningaasaliissutigineqartut sinaakkutigalugit innuttaasunik tusarniaaqqaartarnissaq kissaatigineqarpoq, ilaasortat kisimik siunnersuutaat aalajangigassanngortinngikkaluarlugit. Siulittaasumit oqaatigineqarpoq ataatsimiititaliammi ilaasortat aamma namminneerlutik siunnersuuteqarsinnaasut innuttaasut utaqqiinnanngikkaluarlugit. Soorlu aamma 26. marts innuttaasunik ataatsimiisitsinissamut ataasiinnaq takkunnikuummat piffissamut allamut nuun-neqartoq. Tusaatissatut tiguneqarpoq.
- 7.** Peqqinneaq eqqarsaatigalugu innuttaasunik timersornermik timersortarfimmillu atuilluarnerulernissaat kissaatigineqarpoq, taamaammat majimi peqqissuunissaq tunuliaqtara-lugu innuttaasut kikkulluunniit peqataaffigisinnaassaannik ammaasserusuppoq oqalugiar-neraqartumik. Ilaatigut naartoreernerup kingorna qanoq timip iliuuseqarfingineqarsinna-neranut tunngasut.
- Ilaasortanit tamanit akuersissutigineqarpoq, kissaatigineqarlunili pilersaarummik tunniussiso-qarnissaa.
- 8.** Café Taseraliup tusarnaartitsinermik ilaatigut tikisitsilluni ingerlatsinissamut qinnuteqaataa ataatsimiititaliamit oqaluuserineqarpoq.
- Tusarnaartitsineq imigassamik tuniniaajutigaluni ingerlanneqartarnera pillugu aammalu aningaasani immikkoortinnejqarsimasuni qinnutigineqarsinnaasut kr. 35.000,-it sinnerlugit qinnutigineqarneri tunngavilersuutigalugit itigartitsissutigineqarpoq.
- 9.** Sunngiffimmi inuunermut ineriautuaasussat pillugit sinnersuut, pujortarunnaarsitsiniarner-mut pikkorissarnermut tunngassuteqartoq, oqaluuserineqarnerani ilisimatitsissutigineqarpoq innuttaasut pujortarunnaarnissartik pillugu saaffiginninnissaminnut periarfissaqartinnerareer-sut, napparsimaveqarfimmut kommunillu allaffianut saaffiginninnikkut.
- Taamaalilluni immikkut aningaasartutiginiarneqarnera itigartitsissutigineqarpoq.
- 10.** Ajutoortoqartillugu ikiueqqaarnissamut pikkorissartitsisoqarnissaanik siunnersuutip eqqar-torneqarnerani ilisimatitsissutigineqarpoq innuttaasut (aamma suliffissarsiortut) kommune-miit periarfissaqartinnejqartut pikkorissartinnejqarnissamik, apeqquserneqarlunilu toqqaan-nartumik Sumiiffimmi Ataatsimiititaliap siunertaanut tunngassuteqarnera.
- Siunnersuut itigartitsissutigineqarpoq.
- 11.** Innuttaasunik ataatsimiisitsinermi siunnersuutit.

26. marts ataatsimiisitsinissaagaluami innuttaasunit ataasiinnaq takkunnikuummat taamaat-inneqarnikuovoq, taamaammat aalajangiunneqarpoq 27. april 2022, nal. 19.-21. Minngortuunnguup Atuarfiani ataatsimiisitsineq ingerlanneqassasoq.

Nivinggaaffigineqarsinnaasullu amerlanerit ikkussivigineqarnissaat ersarissarneqarnissaalu kissaatigineqarluni, Sivdleq' ilanngullugu. Ataatsimiisitsinissami innuttaasut qarmarnissai eq-qarsaatigalugit pilerinarsaanissaq isumaqatigiissutigineqarpoq.

**12.** 2023-imut aningaasat agguataarnissaat kingusinnerpaamik junimi Aningaasaqerner-mut Ataatimiititaliamut akuerisassanngortitsinissaq eqqartorneqarpoq. Pingaartinneqar-lunilu innuttaasunik tusarniaanissaq.

Aalajangiunneqarpoq innuttaasunik ataatsimiisitsinermi 27. april kissaatigineqartut tusariar-lugit inississusoqarumaartoq, majimilu ataatsimiinnermi tamanna piissasoq.

### **13. Tamalaat.**

Siunnersuutinik kissaateqarnermi immersuiffissami tunngavilersuutissat atorluarneqartarnis-saat kaammattutigineqarpoq, suliat kinguarsarneqannginnissaat eqqarsaatigalugit.

Upalungaarsimaneq eqqarsaatigalugu Akiani siggartaassuarmik peqannginera qaqin-neqarpoq, tassani siunnersuutigineqarpoq Beredskabschef apereqqaarneqassasoq piler-saaruteqartoqarnersoq ikkussinissamik.

Innuttaasunik pikialtaartitsinissaq/unnussiuuartitsinissaq qanoq periarfissaatiginersoq aper-suutigineqarpoq, nassuaanneqarpoq peqatigiiffiit aaqqissuussinissamik soqutiginnittut qin-uteqarsinnaasut aningaasartuutinut matussutissanik.

Nal. 19.00 ataatsimiinneq naammassineqarpoq.

### **Ilanngussaq 1.**

- Budget 2022

Aningaasat atugassiissutit akuersissutigineqarnerannut imaqarniliaq.